

湖南苗防屯政考

小邊
1992
6



門 7 4
號 1332
卷 6



奏審辦前案匪苗摺

嘉慶八年

湖南高杞

奏為提訊匪苗訊明首夥分別辦理恭摺奏

聞事竊照永綏所屬補抽大哨等寨癩苗龍六生龍大古龍五沙等因拾獲舊失鎮尊鎮關防糾眾斂錢滋衅經該處鎮道並總理邊務之鳳凰廳傅爾會督廳協營弁先後設法誘獲奏奉

旨著飭提訊確供定擬具奏等因欽此當即札飭辰沅道鄭人慶委員將首匪龍六生龍五沙龍大古等迅速解省一面將附和餘黨就近嚴審確供具報去後嗣據該道稟稱龍大古一犯於訊供後患病沉重難以起解現將龍六生龍五沙並續獲隨同糾眾情節較重之麻沙壳吳老黑並復經查出該癩首尙藏有原失永綏右

營守備關防一並追獲解送等語查閱該道等賈到龍大古供詞原同龍六生龍五沙首先造謀自稱天王希圖搶村劫汛情罪極爲重大誠恐該犯病斃轉得倖逃顯戮隨飛飭該道就近先將該犯正法梟示旋據委員於六月初六日將龍六生等四犯管解到省率同在省司道提犯親加研鞫緣龍六生龍五沙同已正法之龍大古均係永綏九里苗人分住補抽大哨各寨乾隆六十年苗匪滋事之時該三犯俱曾隨同燒搶抗拒官兵旋均投誠免死種土度日嘉慶七年十一月龍六生因鋤土挖得舊失鎮尊鎮關防一顆後又拾獲守備關防一顆該匪苗以官府憑信即可調兵徵糧今連獲兩印諒係神賜爵位頓萌逆念商允龍五沙龍大古同

時假裝瘋癲龍六生與龍大古各自稱天王龍五沙自稱五雷將軍並有補抽分寨窩大凱苗匪麻沙壳吳老黑二犯聞知情願入夥同赴天王廟宰牛插血拜印跳舞各受龍六生假封俱稱總督卽分赴各寨糾得補抽窩大凱兩寨之龍老化吳老三等三十三名大哨之龍老喬等三十一名小哨寨之龍老隆等六名陡壩寨之龍老花等十六名岩科寨之龍老翠等八名排壩寨之麻老觀等五名鵝票寨之石老四等三名以上共一百零二名亦俱願從入黨同至天王廟經龍六生等點名齊集均各給以偽號或稱太爺或稱總爺將鍋煤做墨紅土研成印色信手寫做文書用印分給麻沙壳等轉向蠟一坪龍孔樓魚等寨逼脅眾苗收得糧三百

餘石錢二百餘千文混稱儲備攻打黔汎芭茅坪盤石營及楚境花園茶洞等處因各礮卡防堵嚴緊未能得手將錢米自行食用旋經文武官弁聞信督率兵勇前赴勦辦眾苗各自解散千總楊昌禮李可仁外委翟上富等復深入苗巢追獲舊失鎮筵關防並將龍六生龍五沙龍大古先行誘獲訊據供出夥犯麻沙壳吳老黑及甘心從逆之補抽等寨痞苗龍老花等一百零二名全數拏獲此外被脅附和之蠟一坪田老四等六十二名龍孔寨之龍章四等四十七名樓魚寨石老三等六名共一百一十五名俱先後畏罪自行投首提訊之龍六生龍五沙麻沙壳吳老黑各供認前情歷歷如繪核與該道廳原訊各供符合除龍大古一犯業因

患病先經飭令就近正法梟示外查龍六生龍五沙於乾隆六十年隨同匪苗焚搶抗拒投誠免死之後因拾獲舊失關防膽敢藉端煽惑自稱天王及五雷將軍名號糾集痞苗混給偽封向各寨收歛錢米倡言欲劫營汎雖經營汎防範嚴密未得起事而其造蓄逆謀已屬顯著洵堪髮指該二犯俱應照大逆凌遲處死至麻沙壳吳老黑二犯聽受偽封總督名號分赴各寨糾眾歛財卽屬助逆黨惡應照謀叛律擬斬立決查苗疆年來甫經戡定現當建礮屯勇邊備鞏固之時該犯等復敢妄生覬覦不畏法非立正典刑不足以昭炯戒臣於訊明後卽恭請

王命飭委臬司韓封

臣

標中軍參將宣朝綱將龍六生等四犯綁赴市

曹分別凌遲處斬訖仍將該犯等首級傳至犯事地方同龍大古首級一體示眾使苗人觸目儆心咸知震懾其補抽等寨之龍老化等一百零二名既據訊係甘心從逆受有偽號亦難姑貸卽札飭該鎮道等就近駢斬不留餘孽至自行投首蠟一坪等寨之田老四等一百一十五名訊係被脅所致且旋各悔罪投誠情尙可原已飭傳喚各苗弁按名領回嚴加管束毋任生事該苗眾經此番分別辦理明示恩威其良善者固愈加感激卽桀驁者亦靡不倍形畏服諒不敢再萌窺伺現在邊防整肅苗境安寂洵堪上慰聖懷再此次續行追獲守備關防一顆及前此追獲舊失鎮軍鎮關防一顆擬卽另行送部查銷合併聲明爲此恭摺奏

聞伏祈

皇上聖鑒謹

奏嘉慶八年七月二十二日奉

上諭高杞奏提訊苗匪究明首夥分別辦理一摺該省永綏所屬補抽大哨等寨癩苗龍六生龍大古龍五沙等因拾獲舊失鎮軍鎮關防輒敢糾集眾苗混給偽封向各寨收斂錢米並欲起意搶劫營汛實屬不法已極該鎮道等探知該匪等造蓄逆謀卽分派文武官弁前赴勦辦千總楊昌禮李可仁翟上富深入苗巢追獲舊失鎮軍鎮關防當將龍六生龍大古設法誘獲並究出甘心從逆之麻沙壳吳老黑等一百零二名首夥全數拏獲經高杞親提研鞫分別斬梟治罪

所辦甚好千總楊昌禮李可仁外委翟上富等設法誘擒苗匪尙屬能事着以應陞之缺卽行陞用伊三人如未經得有翎枝並着賞戴藍翎所有此次督辦出力之該管鎮道廳員等並令該撫查明據實保奏以示鼓勵欽此

奏遵保出力人員摺

嘉慶八年

湖南高杞

奏爲遵

旨查明苗疆在事出力人員據實具奏仰祈

聖鑒事竊臣前於具奏審辦永綏九里癩苗龍六生等糾眾滋釁一案

欽奉

諭旨千總楊昌禮李可仁外委翟上富着以應陞之缺卽行陞用如未經得有翎枝並着賞戴藍翎此次出力該管鎮道廳員等並令該撫查明據實保奏以示鼓勵等因欽此仰見

皇上慎重邊防微勞必錄之至意曷勝欽感遵查千總楊昌禮李可仁翟上富均未得有翎枝當經傳宣

恩旨賞給戴用藍翎內千總楊昌禮外委翟上富業遵前

旨分別以守備把總陞補千總李可仁遇有應陞缺出卽予陞用並據該弁等稟稱仰沐

殊恩實屬夢想不到惟有益加感奮以圖出力報效等語情詞均出至誠復查此次籌辦龍大生等糾眾滋事一案不動聲色立時設法擒捕分別懲治使苗疆得臻靜謐實由總理邊務之鳳凰廳同知傅鼐先期聞信親赴沿邊一帶同文武員弁督率兵勇相機擒捕得以妥速集事而鎮筸鎮總兵富志那平時與該道廳等和衷協力籌辦邊防此次復經派撥弁兵與該道鄭人慶及傅鼐等商酌機宜均得要領綏靖鎮總兵魁保永綏廳同知王廷瑛係其本管

境內亦俱派兵勵勇協助搜擒均屬不遺餘力查鄭人慶王廷煥二員均經於本年補行計典保薦蒙

恩允准富志那魁保係總兵大員於防捕匪苗本屬分內應辦之事傅鼐亦屢經仰沐

聖恩其平日民苗畏服居官明正及辦理一切邊務實心實力早在聖明洞鑒之中鎮道廳員可否量加獎勵之處出自

皇上天恩現在傅鼐因稟商邊防事宜來省據稱傅鼐疊荷皇恩以同知食知府俸加道銜仰戴

天高地厚之恩感激激惶悚常懼不能上酬萬一此次獲辦匪苗分應竭力斷不敢再邀

曠典惟現署辰州府通判姚興潔效用苗疆已經九載節年隨同搜剿匪苗建設碉堡襄辦屯勇各事宜備歷艱辛此次剿辦九里癩苗隨同往來布置解散眾苗多得該員之力又委駐永綏花園茶洞等處幫辦邊防之縣丞常慶及鳳凰廳知事高誠俱係歷年苗疆勇幹得力之員此次又復帶屯勇冒險深入苗巢幫同搜捕不留餘孽亦屬真誠巴結該三員勞績彰著該處文武實所目擊稔知不敢掩沒等語並據該道鄭人慶查稟相同復加體查無異查姚興潔係候補布政司理問於嘉慶六年經前督臣書麟撫臣祖之望暨督臣英臣前撫臣馬慧裕疊次保奏有案先經咨部借補湘鄉縣縣丞聲明例得仍照理問原銜陞轉又縣丞常慶知事高誠

同爲出力較著謹遵

諭旨據實保奏合無仰懇

聖恩俯念邊防重要鼓勵勞員將姚興潔照布政司理問原銜應陞之知州儘先陞補常慶高誠各以應陞之缺卽行陞用此外尙有隨同帶領練勇出力之雲騎尉世職鄭國鴻把總吳貴盧升等三員擬卽移交提臣存記遇有營缺量加超拔其餘在事出力兵勇苗弁等先經飭令該道等分別獎賞內有鄉勇頭目張有陞王大才二名尙在苗疆打仗出力且管帶練勇多年均能約束妥協此次擒捕匪苗尤爲奮勇應請均以屯把總外委補用苗目石三月麻花耳二名此次飭令開導散苗設卡守路亦屬馴順曉事並請遇

有苗千總缺出卽予拔補以示鼓勵如蒙

聖慈允准不特各該員弁等身受

鴻恩倍加感激凡在苗疆文武各員無不同聲欣躍鼓舞奮興共圖報效實於邊防大有裨益所有遵

旨查明據實保奏緣由理合恭摺具 奏伏祈

皇上聖鑒謹

奏奉

硃批卽有旨欽此嘉慶八年十月二十八日奉

上諭高杞奏查明苗疆出力人員一摺湖南永綏九里癩苗龍六生等糾眾滋衅一案該管鎮道廳員等先期得信能不動聲色立時設法

擒捕辦理妥速尙屬可嘉前經降旨令該撫查明保奏茲據高杞將出力各員奏聞內除道員鄭人慶同知王廷瑛業經保薦卓異外總兵富志那魁保道銜同知傅需三員著加恩交部議敘現署通判布政司理問姚興潔著加恩以應陞之知州儘先陞補縣丞常慶鳳凰廳知事高誠均加恩以應陞之缺卽行陞用又據奏雲騎尉世職鄭國鴻把總吳貴盧陞帶領練勇均屬出力著加恩存記遇有缺出量加超拔鄉勇頭目張有陞王大才平日管帶練勇妥協此次尤爲奮勇著加恩以廳標把總外委補用苗目石三月麻花耳二名於開導散苗設卡守路均屬出力著加恩遇有苗千把總缺出卽予拔補以示鼓勵該部知道摺並發欽此

嘉慶九年正月九日准咨
 兵部為議敘事會議得內閣鈔出嘉慶八年十月二十八日奉
 上諭高杞奏查明苗疆出力人員一摺湖南永綏九里巔苗龍六生等
 糾眾滋衅一案該管鎮道廳員等先期得信能不動聲色立時設法
 擒捕辦理妥速尚屬可嘉前經降旨令該撫查明保奏茲據高杞將
 出力各員奏聞內除道員鄭人慶同知王廷瑛業經保薦卓異外總
 兵富志那魁保道銜同知傅鼐三員著加恩交部議敘現署通判布
 政司理問姚興潔著加恩以應陞之知州儘先陞補縣丞常慶鳳凰
 廳知事高誠均加恩以應陞之缺即行陞用又據奏雲騎尉世職鄭
 國鴻把總吳貴盧陞帶領練勇均屬出力著加恩存記遇有缺出量

部覆前案議敘

嘉慶九年正月初九日准咨

兵部為議敘事會議得內閣鈔出嘉慶八年十月二十八日奉

上諭高杞奏查明苗疆出力人員一摺湖南永綏九里巔苗龍六生等
 糾眾滋衅一案該管鎮道廳員等先期得信能不動聲色立時設法
 擒捕辦理妥速尚屬可嘉前經降旨令該撫查明保奏茲據高杞將
 出力各員奏聞內除道員鄭人慶同知王廷瑛業經保薦卓異外總
 兵富志那魁保道銜同知傅鼐三員著加恩交部議敘現署通判布
 政司理問姚興潔著加恩以應陞之知州儘先陞補縣丞常慶鳳凰
 廳知事高誠均加恩以應陞之缺即行陞用又據奏雲騎尉世職鄭
 國鴻把總吳貴盧陞帶領練勇均屬出力著加恩存記遇有缺出量

加超拔鄉勇頭目張有陞王大才平日管帶練勇妥協此次尤爲奮
勇著加恩以廳標把總外委補用苗目石三月麻花耳二名於開導
散苗設卡守路均屬出力著加恩遇有苗千把總缺出卽予拔補以
示鼓勵該部知道摺並發欽此欽遵鈔出到部除道員鄭人慶同知
王廷瑛業經保薦卓異布政司理問姚興潔已欽奉

恩旨以應陞之知州儘先陞補縣丞常慶鳳凰廳知事高誠以應陞之
缺卽行陞用雲騎尉世職鄭國鴻把總吳貴盧陞遇有營缺量加
超拔鄉勇頭目張有陞王大才以把總外委補用苗目石三月麻
花耳遇有苗千把總缺出卽予拔補均毋庸議並先行恭錄

上諭行文該撫欽遵辦理外此次湖南九里癩苗龍六生等糾眾滋衅

經總兵富志那魁保道銜同知傅爾等先期得信不動聲色立時
設法擒捕辦理實屬妥協欽奉

諭旨 交部議敘 臣等酌擬請將前任湖南鎮筵鎮總兵今授貴州提督
富志那湖南綏靖鎮總兵魁保道銜鳳凰廳同知傅爾均照一等
軍功例各給與軍功加一級軍功紀錄二次等因嘉慶八年十二
月初五日題本月初七日奉

旨富志那魁保俱著軍功加一級軍功紀錄二次餘依議欽此

苗聞風震懼良苗安堵地方益臻靜謐等情復接據綏靖鎮臣魁
保辰沅道鄭人慶咨稟相同臣仙鶴林駐劄常德聞信馳往辰州
業已勦辦竣事查明所稟情形屬實臣阿林保接稟後卽派員迎
提各犯到省隨率同藩司成甯臬司金應琦提犯研鞫緣石宗四
係永綏八里丁牛寨苗人乾隆六十年苗匪滋事該犯自稱將軍
率眾肆出焚搶石貴銀係十里岩落寨苗人前曾受過首逆吳八
月偽封總統均於嘉慶二年隨眾投降免死羈縻石宗四恃其寨
險富強屢屢滋事攻擾汎防梗塞道路欺壓良苗近因掘獲銅鐵
礮六位妄言神賜軍器意圖反逆卽與石貴銀商謀爲首並令龍
六觀龍天心石子戈糾集夥眾勾結丁牛寨岩落已彩及九里之

苗聞風震懼良苗安堵地方益臻靜謐等情復接據綏靖鎮臣魁
保辰沅道鄭人慶咨稟相同臣仙鶴林駐劄常德聞信馳往辰州
業已勦辦竣事查明所稟情形屬實臣阿林保接稟後卽派員迎
提各犯到省隨率同藩司成甯臬司金應琦提犯研鞫緣石宗四
係永綏八里丁牛寨苗人乾隆六十年苗匪滋事該犯自稱將軍
率眾肆出焚搶石貴銀係十里岩落寨苗人前曾受過首逆吳八
月偽封總統均於嘉慶二年隨眾投降免死羈縻石宗四恃其寨
險富強屢屢滋事攻擾汎防梗塞道路欺壓良苗近因掘獲銅鐵
礮六位妄言神賜軍器意圖反逆卽與石貴銀商謀爲首並令龍
六觀龍天心石子戈糾集夥眾勾結丁牛寨岩落已彩及九里之

胡南苗方屯改考

卷四

征服下

三

破口漏魚等寨匪苗逼脅各里苗人隨伊攻擾邊汛入內焚掠聲言如有不從先行燒殺良苗不敢附和和被捉拏枷禁經八里苗守備石季三等稟知傅儒等隨同密飭該苗備石季三苗千總龍添生上七里苗守備龍長宮等前往曉諭乃石宗四與石貴銀糾聚各苗匪於本年二月初一日伏路將龍長宮龍添生截拏枷禁並因沙窠寨苗把總劉老養承催額徵官糧七十餘石尙未運城交倉卽率眾將該寨攻圍鎗斃良苗五名搶去糧石復攻打五里洞乍寨殺斃苗把總石老那及土塘苗兵七名各苗弁先後奔赴永綏廳城紛紛求救並探得該苗匪等現由夯坨吉溪而來欲攻涼水井一帶內地汛卡傅儒因該匪等逆跡已著事在緊急卽商

同鎮臣魁保永綏廳同知王廷瑛先派熟悉苗情之守備李可仁楊昌禮千總盧陞經歷高誠帶領苗兵發給告示曉諭各寨散其黨類並分調官兵鄉勇防沿途各路初三日傅儒卽會同鎮廳親督鳳凰廳把總吳貴外委田興章雲騎尉世職王茂蘭候補廳標把總張有陞等帶領練勇一千名守備魏光德萬榮帶兵四百名馳赴吉溪苗守備龍八月告請出力與各里苗備弁石季三等挑帶土塘苗兵二千四百名聽用守備李可仁楊昌禮千總盧陞經歷高誠亦於是日起到初四日進至夯坨石宗四已糾集匪苗四千餘人蟻聚該處一帶山梁竟敢過河放鎗抗拒傅儒等督率官兵練勇奮力擊退乘勢過河直撲山前分派練勇抄赴山後搶上

湖南苗匪正考 卷四
山梁壓下夾攻賊眾潰散因吉溪沙窠寨皆係苗巢適中緊要之處初六日魁保駐劄吉溪王廷瑛進駐沙窠寨彈壓接應傅甯進攻丁牛寨苗匪復行拒敵經兵勇奮力勦殺並縱火將丁牛寨焚燒匪眾驚潰隨於初七日乘勢分別將從逆已彩冲裏豹腦白岩裏劫嶂架等六寨焚勦救出苗弁龍長宮龍天生石宗四等俱逃奔岩落寨該處一路地勢極為險隘傅甯帶領兵勇由排補美遠進陽孟寨折回搜捕該匪等仍敢抵拒復經兵勇擊潰十二日乘勢進攻將岩落寨焚燒石宗四石貴銀帶同匪黨遶山向九里之破口寨逃匿傅甯跟踪追襲維時破口寨匪黨龍添六等與附近之漏魚新寨麻陽等寨先期吃血聚集匪徒將石宗四等接入負

會奏勦辦永綏匪苗石宗四等摺

嘉慶十年

湖南巡撫阿林保
湖南提督仙鶴林

奏為痛勦逆苗寨落擒獲首夥各犯審明分別辦理苗情懾服邊境肅清恭摺奏

聞仰祈

聖鑒事竊照永綏八九十等里苗情最為狡悍而該處崇山峻嶺地勢極險從前大兵勦辦從未至其境內無所懲創其中不法匪苗盤踞勾結每懷反側未能革面洗心伏查苗疆戡定之後曾欽奉諭旨有犯必懲無事莫擾洵為治苗要道上年總理邊務加道銜鳳凰廳同知傅甯來省稟商邊備情形臣阿林保面為諄囑講求恪遵

聖訓畱心防範妥爲籌辦茲據傅甯稟稱本年正月內前赴永綏會辦邊防事宜查知八里丁牛寨積惡石宗四與下十里岩落寨積匪石貴銀起意爲首糾聚附近各寨及九里苗人欲行攻擾邊汛並枷禁苗守備龍長宮苗千總龍添生圖搶官糧殺斃良苗及苗把總石老那並探知該匪等已聚多匪欲攻涼水井一帶內地汛卡隨會同綏靖鎮魁保永綏同知王廷瑛密爲布置該員等帶領兵勇由吉溪進至夯坨該匪等輒敢過河放鎗抗拒當卽督率兵勇奮擊乘勝追剿自二月初四日至二十日屢次接仗擒斬多名先後焚剿匪寨十六處錄取生獲匪犯各供將首逆石宗四石貴銀及糾眾要犯龍六兒龍天心石子戈親押赴省聽候審辦現在眾

峒抗拒我兵駐劄蠟一坪二十日該匪等竟敢邀集匪黨寅夜撲營傅甯督率備弁兵勇苗兵奮力擊退卽分投將破口漏魚新寨麻陽迷溝捕抽岩窠排結洲等八寨一併焚剿千總盧陞把總吳貴將首逆石貴銀拏獲石宗四逃向乾州廳屬寨落當卽知會該廳褚爲章副將張雲撥兵截拏經署鎮溪營遊擊古丈坪都司鞫中鼈於平朗地方將石宗四捕獲解交究辦此次焚剿匪寨十六處皆係峭壁飛岩異常險峻千總盧陞把總吳貴打仗攻寨極爲奮勇並擒獲首逆石貴銀世職王茂蘭把總張有升外委田興章鄉勇頭目吳世考帶領練勇屢次先登手戮苗匪數十名搶獲銅鐵礮三位守備李可仁楊昌禮經歷高誠先經曉諭各解散匪黨

復同打仗擒獲要犯多名搶獲銅鐵礮三位各里苗弁帶領苗兵亦皆真心效用而苗守備龍八月尤爲出力共計先後割獲首級二百十五顆耳記二百八十四隻並生擒匪苗一百四十三名此外墮岩滾溝者不計其數屍骸徧滿山谷其餘震懾兵威陸續自行投首共有二千餘名僉稱實係逼脅隨行並無甘心從逆並據呈繳器械乞全生命並搜出石貴銀收存偽封票劄一紙驗明銷燬搶獲礮位暫貯廳庫奪獲鎗矛刀械五百餘件呈繳器械一千八百餘件發給各練勇領用搜獲各寨歷年擄掠民人子女三百二十八名口訊明傳屬認領又搜出被拏枷禁良苗一百零六名亦已發回原寨傅儒於罪人既得之後卽行撤兵查明兵丁帶傷

四名練勇陣亡八名帶傷十名苗弁陣亡五名帶傷九名分別俱咨部賜卹優加卹賞餘無傷損茲提訊之下據石宗四石貴銀及聽從糾眾助逆之龍六觀龍添生石子戈俱各供認前情不諱核與傅儒原訊各供符合查石宗四石貴銀前於乾隆六十年隨同匪苗滋事或自稱將軍或身受僞封迨投誠免死之後猶不知改悔復敢恃強糾眾逼脅眾苗蓄謀攻掠邊汛抗拒官兵實屬怙惡不悛殊堪髮指該二犯俱應照大逆律凌遲處死龍六觀龍天生石子戈聽從糾眾卽屬助逆黨惡應照謀叛律擬斬立決臣於訊明後卽恭請

王命飭委臬司金應琦臣標中軍參將宣朝綱將石宗四等五犯綁赴

市曹分別凌遲處斬訖仍將該犯等首級傳至犯事地方示眾俾眾苗觸目驚心咸知做懼所有臨陣擒獲之龍六觀等一百四十三名除龍六觀三名已解省審明辦理外其餘龍六爾等一百四十名訊據石宗四等供係聽從糾逆隨同拒敵官兵亦難寬貸卽移行該鎮道就近駢斬不留餘孽此外自行投首苗眾據實查係被脅所致且旋各悔罪繳械投誠情尚可原已飭傳諭各苗弁保領嚴加管束毋許生事查石宗四等均係歷年積惡苗人良民俱受其害此番全行勦除民苗無不欣悅邊境可期又安至此次勦除匪寨爲日無幾兵勇等所需鹽糧卹賞等項費用無多臣與司道等捐廉給發毋庸請銷所有勦除逆苗及審明辦理緣由並開

具獲辦首夥各犯名單謹恭摺由驛奏

聞伏祈

皇上聖鑒謹

奏嘉慶十年四月初三日奉

上諭據阿林保奏痛勦永綏廳逆苗寨落擒獲首夥各犯審明分別辦理一摺此次逆苗石宗四與積匪石貴銀起意謀逆膽敢糾集附近苗人欲行攻擾邊汛並將苗守備千總枷禁圍搶官糧殺斃良苗經鳳凰廳同知傅儒探知商同鎮廳派令員弁分調兵勇馳赴進擊該逆苗竟敢放鎗抗拒復經傅儒督率官兵弁勇奮力圍勦該逆苗逃奔竄匿猶復負隅抗拒夤夜撲營傅儒督兵屢次追捕擊斃經千總

明府首夥正考

卷四

征服下

三

盧升把總吳貴將石貴銀拏獲石宗四逃向乾州復經都司鞠中鼇捕獲並先後擒斬逆黨三百餘名現在眾苗聞風震懾自行投首呈繳器械良苗安堵地方均臻靜謐所辦實屬妥協此皆傅爾熟悉苗情調度得宜故能迅速俘渠殊可嘉尚傅爾著交部從優議敘都司鞠中鼇著以遊擊陞用千總盧升著卽以守備陞用把總吳貴著卽以千總陞用並據稱苗守備龍八月帶領苗兵尤爲出力著加恩賞給都司銜如未經賞有花翎卽著賞戴以示獎勵其餘在事出力之世職王茂蘭等各員名均用硃筆點出應如何分別擢用之處著阿林保等酌量保奏候旨加恩所有傷亡兵勇數名均著分別卹賞摺併發欽此

會奏遵保出力人員摺

嘉慶十年

湖南巡撫阿林保
湖南提督仙鶴林

奏爲遵

旨保奏出力人員仰祈

聖鑒事竊

臣 欽奉

上諭據阿林保奏痛勦永綏廳逆苗寨落擒獲前夥多犯審明分別辦理一摺此次逆苗石宗四與積匪石貴銀起意謀逆膽敢糾集附近苗人欲行攻擾邊汛並將苗守備千總枷禁圍搶官糧殺斃良苗經鳳凰廳同知傅爾探知商同鎮廳派令員弁分調兵勇馳赴進擊該逆苗竟敢放鎗抗拒復經傅爾督率官兵弁勇奮力圍勦該逆苗逃奔竄匿猶復負隅抗拒夤夜撲營傅爾督兵屢次追捕擊拏經千總

盧升把總吳貴將石貴銀拏獲石宗四逃向乾州復經都司鞠中龍捕獲並先後擒斬逆黨三百餘名現在眾苗聞風震懾自行投首呈繳器械良苗安堵地方均臻靜謐所辦實屬委協此皆傅鼎熟悉苗情調度得宜故能迅速俘渠殊可嘉尚傅鼎著交部從優議敘都司鞠中龍著以遊擊陞用千總盧升著卽以守備陞用把總吳貴著卽以千總陞用並據稱苗守備龍八月帶領苗兵尤爲出力著加恩賞給都司銜如未經賞有花翎卽著賞戴以示獎勵其餘在事出力之世職王茂蘭等各員名均用硃筆點出應如何分別擢用之處著阿林保等酌量保奏候旨加恩所有傷亡兵勇數名均著分別卹賞摺併發欽此仰見

聖主垂念微勞優加鼓勵之至意該員等聞

命之下靡不同深欣感遵查苗守備龍八月從前得有藍翎當卽檄飭

傅鼎傳宣

恩旨賞給都司銜並換戴花翎外復查此次痛勦逆苗欽奉

硃筆點出之雲騎尉世職王茂蘭候補廳標把總張有陞外委田興章

鄉勇頭目吳世考係帶領練勇屢次先登擒戮苗匪搶獲礮位守

備李可仁楊昌禮經歷高誠先經曉諭各寨解散匪黨復同打仗

擒獲要犯多名搶獲礮位洵屬勇往出力應請

旨將雲騎尉世職王茂蘭以應補之守備儘先補用守備李可仁楊昌

禮以苗疆都司陞用經歷高誠以應陞之知縣缺卽行陞用把總

胡有苗方已改考

卷四

征服下

奏

張有升外委田興章各以應陞之缺陞用鄉勇頭目吳世考以廳標外委拔補此外尚有守備魏光德萬榮前據傅鼐稟稱該二員帶領官兵始終隨同深入苗寨追襲焚剿甚屬認真出力應請給與都司銜以示鼓勵如蒙

聖慈允准該員等感激

天恩自必益加奮勉力圖報效除傷亡兵勇咨部議卹外所有遵

旨保奏緣由臣謹會同湖南提督臣仙鶴林恭摺具奏伏乞

皇上睿鑒謹

奏奉

硃批卽有旨欽此嘉慶十年五月十七奉

上諭前據阿林保奏勦辦永綏廳逆苗擒獲首夥要犯當經降旨諭令該撫將在事出力各員酌量保奏候朕加恩茲據所奏雲騎尉世職王茂蘭候補廳標把總張有升外委田興章鄉勇頭目吳世考均帶勇擒戮苗匪搶獲礮位守備李可仁楊昌禮經歷高誠先經曉諭各寨解散匪黨復率練勇擒獲要犯多名洵屬勇往出力等語雲騎尉世職王茂蘭著以應補之守備儘先補用守備李可仁楊昌禮著以苗疆都司陞用經歷高誠著以應陞知縣缺卽行陞用把總張有升外委田興章著各以應陞之缺陞用鄉勇頭目吳世考著以廳標外委拔補守備魏光德萬榮均著賞給都司職銜以示鼓勵該部知道摺並發欽此

苗人欲行攻擾邊汛並將苗守備千總柳禁圍搶官糧殺斃良苗經
 鳳凰廳同知傅爾探知商同鎮廳派令員弁分調兵勇馳赴進擊該
 逆苗竟敢放鎗抗拒復經傅爾督率官兵弁勇奮力圍剿該逆苗逃
 奔竄匿猶復負嵎抗拒夤夜撲營傅爾督兵屢次追捕擊斃經千總
 盧升把總吳貴將石貴銀擊獲石宗四逃向乾州復經都司鞠中鼇

部覆前案議敘

嘉慶十年

兵部為議敘事議得嘉慶十年四月初八日准
 吏部咨稱內閣鈔出本月初三日奉

上諭據阿林保奏痛剿永綏廳逆苗寨落擒獲首夥各犯審明分別辦
 理一摺此次逆苗石宗四與積匪石貴銀起意謀逆膽敢糾集附近
 苗人欲行攻擾邊汛並將苗守備千總柳禁圍搶官糧殺斃良苗經
 鳳凰廳同知傅爾探知商同鎮廳派令員弁分調兵勇馳赴進擊該
 逆苗竟敢放鎗抗拒復經傅爾督率官兵弁勇奮力圍剿該逆苗逃
 奔竄匿猶復負嵎抗拒夤夜撲營傅爾督兵屢次追捕擊斃經千總
 盧升把總吳貴將石貴銀擊獲石宗四逃向乾州復經都司鞠中鼇

捕獲並先後擒斬逆黨三百餘名現在眾苗聞風震懾自行投首呈繳器械良苗安堵地方均臻靜謐所辦實屬妥協此皆傅鼐熟悉苗情調度得宜故能迅速俘渠殊可嘉尚傅鼐著交部從優議敘都司鞫中鼇著以遊擊陞用千總盧升著卽以守備陞用把總吳貴著卽以千總陞用並據稱苗守備龍八月帶領苗兵尤爲出力著加恩賞給都司銜如未經賞有花翎卽著賞戴以示獎勵其餘在事出力之世職王茂蘭等各員名均用硃筆點出應如何分別擢用之處著阿林保等酌量保奏候旨加恩所有傷亡兵勇數名均著分別卹賞摺併發欽此查督兵剿捕逆苗將首夥全行擒獲所有出力之同知傅鼐議敘係屬軍功相應移咨 兵部查辦等因前來除先行恭錄

上諭行文該撫等欽遵辦理外查定例出征立功奉

旨交部從優議敘文武官員列爲一等者准加三級等語此次逆苗石宗四膽敢糾集附近苗人圖搶官糧殺斃良苗經鳳凰廳同知傅鼐探知卽督兵屢次追剿先後擒斬賊苗三百餘名良苗安堵地方均臻靜謐該同知熟悉苗情調度得宜迅速伴渠欽奉

諭旨交部從優議敘准吏部咨係屬軍功應歸_臣部辦理_臣等酌議請將湖南鳳凰廳同知傅鼐照一等軍功從優議敘例給與軍功加三級恭候

命下遵奉施行等因嘉慶十年五月十八日題本月二十日奉旨依議欽此

（此處為多欄空白或極淡文字，內容難以辨認）

部覆前案卹賞 嘉慶十一年

兵部咨開准湖南巡撫阿 咨稱嘉慶十年二月內永綏匪苗石宗四等糾眾滋事進攻丁牛寨已彩岩落破口漏魚等寨奉

旨

所有傷亡兵勇數名均著分別咨部卹賞欽此應將陣亡苗兵練勇並受傷兵勇苗兵分別造冊咨部核議等因前來除綠營兵丁部另案核議外查定例陣亡屯練降番綠營步兵之例賞銀五十兩至受傷列為頭等者給銀十五兩二等者給銀十二兩五錢三等者給銀十兩其傷亡兵丁應給之銀如無妻子親屬承受者給銀二兩該督撫提鎮委員致祭等語應將陣亡練勇周正旺李文達田枝盛楊超羣向正西張連元梁一桂王大棟八名陣亡苗兵

湖南苗方屯改考

卷四

征服下

三

石老馬吳老花吳老兩石開花龍老良五名均照屯練降番之例各賞銀五十兩此內應給銀兩如無妻子承受者給銀二兩該督撫提鎮委員致祭受頭等傷練勇田陞姚廷秀劉國茂三名苗兵石老友吳老咳龍老卻三名照例各賞銀十五兩受二等傷練勇周文一名苗兵吳阿柳石老賀吳老繩龍化保龍天甲五名照例各賞銀十二兩五錢受三等傷練勇陳秀英向振山劉廷相尹吉向生珪吳遇安六名苗兵吳在保一名照例各賞銀十兩其應給銀兩應令該撫照數給領造報戶部核銷並造冊送部查核等因嘉慶十一年二月二十二日題本月二十四日奉

旨依議欽此

附奏收繳苗人鎗械並嚴禁椎牛祭鬼惡習片

嘉慶十二年

湖南景安

再查苗人屬處各寨地險巢深執持鎗矛是其長技往往恃有利器入則自相仇殺出則焚掠犯邊爲害不小自嘉慶十年震懾兵威之後經該道傅爾曉諭收繳已呈出二萬餘件業經前撫臣阿林保奏蒙

聖鑒

奴才

到任後復諄囑該道設法催收茲據該道督率委員苗弁分路收繳又陸續收繳烏鎗刀矛二萬一千餘件先後共收過四萬一千餘件據苗備弁稟稱自近邊以至深巢均已悉數呈繳並出具不敢隱匿切結存案體察苗情倍形帖服又訪查苗人生長邊

湖南苗防也攷考

卷四

征服下

三

荒多疑畏鬼凡遇疾病災殃則必延巫師私宰耕牛聚眾禳解名
爲做鬼及至秋冬淫祀繁興小則附近寨落百十爲羣大則聚集
鄰省苗人盈千累萬巫師妄言禍福以惑愚頑從前癩苗滋事皆
由此起且每歲秋成必將所蓄耕牛恣行宰殺次年東作則又稱
貨買牛遂至窮困流而爲匪是椎牛祭鬼實爲苗害前據該道稟
陳飭令善爲諭禁現據詳覆於上年剴切開導眾苗均知從前之
所爲實屬無益有損現各悔悟巫師亦皆改業既可杜其煽惑之
漸而一歲之內已全活耕牛數萬頭於苗人農功生計更爲寬裕
是此時苗情風俗又爲之一變誠恐查察稍疎或致故智復萌奴
才現在申明例禁專責苗弁實力稽查嗣後如有私製鎗械及重

聖鑒謹

奏嘉慶十二年十月二十一日奉

硃批覽欽此

興淫祀立時拏究該管苗弁知而不報分別治罪地方文武官弁
失於覺察照例議處仍飭每屆年終具結詳報務使咸知遵守以
期永遠敕甯除將該道造送收繳鎗械分別銷燬撥存各數清冊
咨部立案外理合附摺奏明伏乞

苗兵操防之用等因遵奉在案此項收繳烏鎗刀矛手礮內除銷燬改作農器外僅撥補練勇屯丁六千二百六十件並備存苗兵領用五千件其餘存貯公局鎗矛刀礮二萬一千五百八十六件原爲將來撥補各丁勇苗兵操演之用且查鳳凰乾州永綏古丈坪保靖五廳縣共設屯丁七千名又鳳凰廳備戰練勇一千名又各該廳縣共設苗兵五千名總共一萬三千名該丁勇等俱遵照奏定章程按期勤加操演遇有鎗械損壞將來無須另行製造應請將分貯公局烏鎗刀矛手礮等件畱於各該廳縣以備丁勇苗兵隨時換給領用仍將陸續損壞鎗矛等件改製農器每屆年終造冊具報茲奉前因移覆查照等因到司本司等覆查苗疆各廳

縣設立屯丁練勇苗兵均須按期操演一切鎗械難免損壞及改製農具均無項製補今分貯公局烏鎗刀矛手礮等件所請畱爲各丁勇苗兵換給領用自應俯如所咨辦理仍令將損壞及改製農器於年終造冊報查緣奉前因相應詳請察閱咨覆兵部暨戶工二部查照等情除分咨外相應咨達等因隨經本部移咨該撫卽將從前奏准原案全行鈔錄送部以便核辦去後今於嘉慶十三年六月二十日准該撫將原奏鈔錄送部前來查湖南收繳苗人鎗械既據該撫從前奏明將不堪應用各件隨時銷燬改製農器餘俱編列字號造冊存貯以備將來撥補各勇丁苗兵操演之用等因今分貯公局烏鎗刀矛手礮等件請畱爲各丁勇苗兵換

堪應用者八千二百九十件俱行銷燬改作農器補發屯丁苗兵
迄今收繳淨盡苗情倍形帖服又查苗人生長邊荒多疑畏鬼凡
遇疾病災眚等事則必延巫師宰耕牛聚眾禳解名爲做鬼及至
秋冬繁興淫祀比戶皆然小則附近寨落百十爲羣大則聚集鄰
省苗人盈千累萬巫師妄言禍福以惑愚頑從前癩苗滋事皆由
此起且於每歲秋成必將所畜牛隻恣行宰殺次年東作無以翻
犁則又稱貸買牛遂致窮困流而爲匪是椎牛祭鬼實爲苗害爾
於上年剴切開導並出示嚴禁當據各苗備弁出具切結咸知遵
守約計一歲之內全活耕牛數萬頭不特農功有裨抑且孳息蕃
多於生計尤爲充裕刻下羣苗知從前之所爲實屬有損無益俱

各悔悟巫師亦已改業苗疆風俗頓覺改觀但恐日久玩生應請
申明例禁嗣後專責苗弁實力稽查如有私造鎗械及重興淫祀
立時拏究倘該管苗弁知而不報分別治罪地方文武官弁失於
覺察照例議處每屆年終具結詳報如此嚴行查禁自可永遠無
虞矣

貴州苗匪滋事苗夫詳請飭遵事案奉
 憲臺批據本臬司前在辰
 沅道任內詳稱嘉慶十四年三月十五日據鳳凰廳苗守備麻老
 貴乾州廳苗守備吳永和永綏廳苗守備龍八月古丈坪廳苗守
 備石把七保靖縣苗守備石兆泉等三十二名為雇用苗夫請定
 章程詳明飭遵事竊照嘉慶二年奉
 前督憲籌辦苗疆善後事
 宜案內各廳縣苗寨安設苗官於頒發劄付內議有明條凡文武
 大小官員因公來往巡查經由苗地需用人夫該苗弁即傳所管
 苗人與漢民一體當差聽候給發價值等因在案備等自應恪遵
 辦理何敢妄瀆惟查嘉慶二年大兵戡定後苗情尙未甯帖各路

詳禁擅用苗夫

嘉慶十四年

湖南布政使司朱紹曾
湖南按察使司傅 肅

為禁止擅用苗夫詳請飭遵事案奉

憲臺批據本臬司前在辰

沅道任內詳稱嘉慶十四年三月十五日據鳳凰廳苗守備麻老

貴乾州廳苗守備吳永和永綏廳苗守備龍八月古丈坪廳苗守

備石把七保靖縣苗守備石兆泉等三十二名為雇用苗夫請定

章程詳明飭遵事竊照嘉慶二年奉

前督憲籌辦苗疆善後事

宜案內各廳縣苗寨安設苗官於頒發劄付內議有明條凡文武

大小官員因公來往巡查經由苗地需用人夫該苗弁即傳所管

苗人與漢民一體當差聽候給發價值等因在案備等自應恪遵

辦理何敢妄瀆惟查嘉慶二年大兵戡定後苗情尙未甯帖各路

時塞時通是以文武官員俱未經由苗地毋庸雇撥苗夫自嘉慶十年勦辦永綏廳匪寨以來眾苗攝服均已歸誠向化各處道路通達地方文武大小官員因公往來多由苗地行走所需人夫遵照割付與漢民一體當差俱係備等傳喚所管苗人受價應付從無貽誤伏思苗人仰沐

皇仁

共遊化日與漢民無異遇有差務自應出夫受雇何敢稍有推諉但恐將來兵役人等冒充官差或官員往來非因公事俱一律應付未免滋擾祇得叩稟臺前明定章程詳明 撫部院姜 大憲飭遵照辦沾 提督軍門鄂 恩無既等情據此查苗人充應夫役奉 會同籌 定善後章程凡文武大小官員因公來往巡查經由苗地需用人

夫該苗備等即傳所管苗人與漢民一體當差聽候給發價值細釋 憲意原以各苗人既經投誠遇有官員往來應令其受雇當差去其桀驁不馴之性然必各官果係因公來往巡查方准雇用其或因私事及雖非私事而於巡查苗地及辦理苗務各件不相干涉者仍不准其雇用方足以杜騷擾查例載雲貴兩廣四川湖廣等處流官擅自全取兵夫征價入己贓至該徒三年以上者各發近邊充軍其全取兵夫不曾征價者照常發落又例載兵丁差役由經苗寨擅動苗夫科斂索詐該管官或有心故縱或事發不行申報或並不知情止於失察分別革職降調不行查出之該管各上司亦分別降調畱任各等語是苗夫一項原不准官員兵役

擅動應請嗣後凡遇鎮道廳縣協營巡閱苗境隨時雇用苗夫仍按名發給價值其文員佐雜及武職守備以下等官如辦理苗務勢須雇用苗夫若干名應令其報明該管鎮將道廳縣給發印照方准雇用如有假公濟私及擅自動用者察出即行參究至兵役人等如有假冒官差使苗人者一經察出除該兵役按例究辦外並將該管官及該管上司一併照例參處如此申明例禁立定章程庶苗民永免滋擾尤於邊圉益臻甯輯是否有當理合具文詳請察核通飭遵行等情奉 批仰布政司會同按察司查議通詳察奪仍候 督部堂批示書冊並發仍繳又奉 督部堂汪 批仰湖南布政司核議通詳仍候 撫部院批示繳各等因奉此本

司等查苗夫一項原不准官員兵役擅動定例綦嚴應請照議嗣後鎮道廳縣協營巡閱苗境隨時雇用苗夫仍按名給價其文員佐雜及武職守備以下等官如辦理苗務勢需雇用苗夫若干應令其報明該管鎮道廳縣給發印照方准雇用苗夫如有假公濟私及擅自動用者察出即行照例參究至兵役人等如假冒官差役使苗人者一經查出除該兵役按例究辦外並將該管官及該管各上司一併照例參處俾苗民永免滋擾邊圉益臻甯輯緣奉 批議理合具文詳請 憲臺俯賜察閱批示遵

湖南布政使司
 為詳明等事嘉慶十四年十一月初九日奉護撫部院朱批前
 司會同本署司前在臬司任內詳稱又查苗民貿易定例在沿邊
 開設集場按期趕趁乃有深巢苗人憚於遠涉遂在寨內私行開
 場交易則私場一設設有奸民借趕場為名混入苗地難以稽查
 實所關匪細不可不預為防範封閉亦應請俯如所稟飭令取具
 苗官切結不准再開集場並飭各地方官隨時查禁以杜後患緣
 奉批議是否允協理合會議詳請憲臺察閱批示以便移咨
 辰沅道遵照辦理為此具詳

詳禁苗寨私開集場

嘉慶十四年

湖南布政使司 傳 肅

為詳明等事嘉慶十四年十一月初九日奉護撫部院朱批前
 司會同本署司前在臬司任內詳稱又查苗民貿易定例在沿邊
 開設集場按期趕趁乃有深巢苗人憚於遠涉遂在寨內私行開
 場交易則私場一設設有奸民借趕場為名混入苗地難以稽查
 實所關匪細不可不預為防範封閉亦應請俯如所稟飭令取具
 苗官切結不准再開集場並飭各地方官隨時查禁以杜後患緣
 奉批議是否允協理合會議詳請憲臺察閱批示以便移咨
 辰沅道遵照辦理為此具詳

光緒四年八月十三日據永綏廳直隸同知王恂稟稱訪聞匪首廖
 宣明時至該廳之衛城一帶局賭邀會該丞於八月初一日會同
 綏靖營弁往捕當獲入會匪黨羅四旺正法並擒獲尤廣太回城
 詎匪首廖宣明帶領黨羽趕至東門外聲稱奪取尤廣太當經該
 丞即將該匪正法會營出城攻剿各匪始行退散等情其時適從
 黔防調回統領毅新營之記名提督蘇元春在省臣即飭令馳赴
 辰州就近統帶駐防辰沅隊伍往援去後旋據該廳營稟稱該匪
 等疊經剿捕業已紛紛解散已將匪首廖宣明擒獲正法梟示並

會奏水綏益陽會匪滋擾剿辦竣事片

光緒四年

湖廣總督李瀚章
湖南巡撫邵亨豫

再臣於八月十三日據永綏廳直隸同知王恂稟稱訪聞匪首廖
 宣明時至該廳之衛城一帶局賭邀會該丞於八月初一日會同
 綏靖營弁往捕當獲入會匪黨羅四旺正法並擒獲尤廣太回城
 詎匪首廖宣明帶領黨羽趕至東門外聲稱奪取尤廣太當經該
 丞即將該匪正法會營出城攻剿各匪始行退散等情其時適從
 黔防調回統領毅新營之記名提督蘇元春在省臣即飭令馳赴
 辰州就近統帶駐防辰沅隊伍往援去後旋據該廳營稟稱該匪
 等疊經剿捕業已紛紛解散已將匪首廖宣明擒獲正法梟示並

暫留毅新營勇丁駐紮彈壓廳境已一律肅清人心安定又於八月十八日據管帶振宇營記名提督王永章署益陽縣知縣福昌稟稱十五日夜忽有匪徒甚眾突入南溪放火劫搶巡查南溪之什長都司劉昌秀奮力勦捕眾寡不敵力竭陣亡該匪黎明散去復加率黨羽由南溪對河向千家洲而來適王永章所派副將蔣其順帶勇適到離城十五里之曹家河極力奮殺轟斃騎馬匪首曹大塊生擒陳萬勝等訊明正法匪徒潰散各勇分途追殺斃匪無數乃該匪當曹家河擊敗之後仍敢盤踞村莊揚言報復勾結死黨黃夜劫掠疊經該提督該令商飭各員弁嚴密搜捕陸續捕獲之曹小滿歐陽春劉喜麻子等均係著名巨匪先後訊明懲辦

刻下匪蹤已靖人心漸安臣查湘省人心浮動伏莽尤多潛行勾結時時思逞現在益陽等處業已安定猶恐漏網餘匪人多伏匿現已揀派候補知府莊賡良前往益陽細行清查舉行保甲責令各清各團各清各族其有著名匪類及此次要犯均令各族團自行緝送於人會未幾真心悔過者亦出示明白曉諭脅從罔治准其自新復飭署永順府知府周籛前往辰沅一帶乾永鳳三廳察看情形並與鎮營守令會商布置詳查籌辦庶足以靖奸宄而清閭閻除陣亡及受傷勇丁循例獎卹外都司劉昌秀駐防南溪深夜巡查猝遇匪眾奮不顧身立時陣亡殊堪憫惻應懇

天恩飭部將劉昌秀照例議卹以慰忠魂所有永綏益陽會匪滋擾旋

即勦辦竣事緣由謹會同湖廣督臣李瀚章附片奏

聞

光緒六年

會奏湖南鳳凰廳屬董倒苗寨忽有苗匪蠢動擬往會勦片

光緒六年

貴州提督張文德
雲貴總督劉長佑
貴州巡撫岑毓英

再臣正拜摺聞疊准鎮遠總兵羅孝連來函暨署松桃直隸同知陳鈺署松桃協副將何秀峯並統帶練軍之記名提督何秀林黃開運管帶貴陽營練軍記名總兵高德元等先後稟報湖南鳳凰廳屬統道苗寨忽有苗匪石老化石華工為首倡亂有兄弟五人父名石老波皆素有膂力已糾集苗眾多人自恃寨內有石洞一穴豎立白旗身穿紅衣口念符呪蠱惑苗眾先將該寨自築營壘晝夜防備於二月初四日分股竄擾湖南新寨場苟若寨兩處燒殺百姓紛紛搬移探聞該苗匪正在裹脅滋擾距黔省松桃廳銅

仁府均不過四五十里除經該員等分派練軍前往正大盤石兩
汛扼要堵禦並籌辦城防外飛請查核各等情據此臣伏查湖南
鳳凰三廳同屬苗疆且與黔屬銅仁松桃等屬地方犬牙相錯而
黔省下游各屬俱係苗藪若不早爲殲除一經聯絡必致滋蔓難
圖日前松桃廳拏獲盜犯龍才貴訊係著名苗匪與統道苗首石
老化等曾於去臘密約黔苗舉事因畏官軍近駐梵淨山未敢應
允等語是該苗匪蓄意謀逆匪伊朝夕亟應乘此黨與未成剋日
撲滅方免貽患茲值提臣張文德來省面商會閱營伍事宜臣與
之再三籌議楚黔唇齒相依急宜併力掃蕩提臣籍隸鳳凰廳地
利人情尤爲熟悉願與閱兵之便卽親督各軍約會楚軍馳往兜

勦臣一面飛飭各地方官安慰黔屬苗眾並飭何秀林抽調各營
赴松桃廳城及盤石汛要隘堵擊其梵淨山餘匪暫令營員李正
王用梅崔金斗等將朝陽寺舉賢溪等處賊巢嚴密圍捕毋稍鬆
勁又飭黃開運先駐銅仁府接應各處其鎮遠鎮中營暨駐防玉
屏之貴陽營練軍飭令五成隊伍由高德元等帶往正大汛一帶
防堵如此分佈諒不致有竄越之虞臣出省校閱各營擬卽沿途
挑調預備如果蔓延爲害卽親往督飭辦理至省城內外尙有四
營練軍駐紮足資鎮壓除咨湖南撫臣查照會勦外謹會同督臣
劉長佑提臣張文德附片馳陳伏乞

聖鑒訓示謹

奏

湖南古防司正考 卷四

奏為鳳凰廳屬董倒地方苗匪滋事登時撲滅地方照常安靜恭摺陳仰祈
聖鑒事竊照湖南鳳永乾晃四廳與黔省之梵淨山近接重巖峭壁路
徑紛歧各處游勇哥匪竄伏其間不時勾結為患臣自上年十月
到任後即飭各屬整頓保甲銳意經理與之更定簡捷章程專以
查辦土匪外盜為先務嗣聞梵淨山積年逋寇經黔省派軍剿洗
除擒斬外餘黨多竄他方湘中以鉅餉難籌甫經汰裁防勇深恐
該匪乘機竊發流毒邊陲復經嚴飭各該府廳文武先事整軍預

會奏鳳凰廳屬董倒地方苗匪滋事登時撲滅地方照常安

靜摺 光緒六年

湖廣總督李瀚章
湖南巡撫李明墀

奏為鳳凰廳屬之董倒寨地方苗匪滋事登時撲滅地方照常安靜

恭摺馳陳仰祈

聖鑒事竊照湖南鳳永乾晃四廳與黔省之梵淨山近接重巖峭壁路

徑紛歧各處游勇哥匪竄伏其間不時勾結為患臣自上年十月
到任後即飭各屬整頓保甲銳意經理與之更定簡捷章程專以
查辦土匪外盜為先務嗣聞梵淨山積年逋寇經黔省派軍剿洗
除擒斬外餘黨多竄他方湘中以鉅餉難籌甫經汰裁防勇深恐
該匪乘機竊發流毒邊陲復經嚴飭各該府廳文武先事整軍預

湖南古防司正考

卷四

征服下

七

防不得稍涉疏懈茲於二月十一日據署辰永沅靖道但湘良轉據署鳳凰廳江肇成稟稱訪聞該廳與貴州松桃廳毗連之董倒坡有痞苗石老華曾在貴州當勇與松桃已革苗弁龍有發熟識夥串梵淨山餘匪及不逞之徒數百人圖爲不軌正稟報聞詎該逆已於本月初三日由巴茅坪沿竄而來初四日擾至新寨地方放火燒搶居民紛紛逃避查董倒坡離新寨六十里新寨離廳城六十里請派兵練前往剿捕該道當卽會商鎮筵鎮唐瑞廷飭派守備田宗營管帶營兵三百名守備劉元發千總王廷顯管帶道標練勇二百名於初五日卯刻相繼前往一面移知管帶誠字營知府朱謙春游擊梁正瑞撥營會剿等情臣接稟後念該匪爲數

無多我兵業經厚集亟應乘其初起一鼓聚殲當卽嚴飭該道會商唐鎮星夜督飭兵練會合誠營四面進攻不許遷延觀望又念永綏廳之黃瓜寨螺螄壩距董倒坡均止數里防剿並行喫重雖據署綏靖鎮劉超勝永綏廳丁蘭徵咨稟已派署永綏協鄧第武保靖參將張言和各帶標兵扼要堵剿猶恐兵力單薄復飛檄駐防辰州之毅新營提督蘇元春駐防靖州之毅安營提督龔繼昌派撥營哨前往會辦並檄飭附近府廳營汛一體實力防禦以免此勦彼竄去後二十二日續據但湘良稟報該匪偵知我軍將至新寨卽竄往松桃屬之盤坨欲取該汛踞爲巢穴經該汛固守力敵頗有殲擒遂於初六日率黨仍回董倒老巢將要隘堵塞設卡

固守但湘良唐瑞廷聞信後以兵練已近賊巢不宜坐失機會亟飭鳳凰廳江肇成鎮標中營遊擊龔紹基密授機宜馳赴督勦初八日江肇成等遂商令守備田宗營劉元發暨誠營知府朱謙春等於初九日五更造飯黎明整隊分路進攻守備劉元發千總王廷顯同土守備吳興朝由小平西路進攻董倒坡後路誠營副將彭正輝參將熊宏榮等同土守備吳宗信龍再伸由大平進攻董倒東路鎮標把總馬玉樹外委李文星道標外委趙映軒土千總吳成獻由大平進攻董倒南路該逆見我軍勢大負守不出午後始見賊匪數人在山頂將旗亂繞我軍知賊將戰遂爲先發制人之計三路齊上當卽舉火焚燒賊屋數間該匪見火勢兇猛有紅

旗賊目率百餘匪出巢接仗經誠字中營哨弁石光德用洋鎗擊斃餘匪奪氣適永綏廳兵勇團練暨乾州松桃各廳協營兵勇同時趕到鎗礮齊發呼聲震天該匪惶急無措當斃賊匪數十人落巖死者十數人砍獲首級十二顆生擒苗匪二十二人內有賊首石老華之父石椰香弟石老滿及犯屬婦女四人奪獲旗幟器械二十一件僞令二支餘匪竄伏山洞因天色已晚未便窮追當將董倒巢穴全行燒燬收隊回營查點各營兵勇共受傷十七名初十日各營復分搜山洞有數十餘匪自洞內衝出鎗傷勇丁二人我軍憤極直前斃賊十餘人生擒賊目龍老隆吳老明歐那保吳老新四名該匪勢不能敵伏地乞死投降計男婦八十餘口洞內

餘匪實已搜剿無遺其首逆石老華據生擒賊目吳老明供該逆兄弟四人石老華老添係前母所生老保老滿係後母所生初九日官軍破寨時石老華已被殺死割去首級伊父石椰香後母龍氏弟老滿及老添之妻並伊妹等五人共被拏獲惟老添在逃現在各寨民苗俱已復業地方一律安靜所調誠字營勇擬卽撤歸原防本標營屯兵練亦次第撤回酌畱分紮以節糜費而資鎮定未獲各匪正在緝拏解到各犯卽日分別定擬及料理善後具稟請示前來臣查董倒坡卽黃瓜山旁附別寨該山跨連永鳳與貴州之松桃緊接在臘耳山南複嶺重巒路極陡險乾隆末逆苗石三保卽由黃瓜山起事十年始平此次痞苗石老華夥串梵淨山

餘匪焚殺搶擄拒敵官兵實屬罪大惡極仰賴

皇上

威福將士用命數日之內卽就撲滅未致釀成鉅案洵爲地方之

幸惟湘省人心浮動伏莽所在堪虞迤西地連川黔尤奸宄往來出沒之道刻下梵淨山之朝陽寺舉賢溪等處尙爲餘匪所踞暗中勾結防不勝防是此役雖幸告竣而後患正爲可慮苗民易動難靜關繫非輕臣現已嚴飭該地方文武及駐防黔邊各該勇營加意防維整軍修備不得以現今葺事稍涉懈弛痞苗石老華實係倡亂元惡雖據賊供陣斃屬實未可遽信已飭該道將砍獲首級十二顆提解親驗並令附近董倒寨素識石老華之民苗公同辨認以成信讞伊弟三人除石老滿現已擒獲石老添刻尙在逃

石老保一名據鳳凰廳稟報初六日攻撲盤坨時經松桃官兵擊斃亦應確查下落與未獲各匪認真訪拏毋許一名漏網其松桃已革苗弁龍有發尤係此案緊要頭目除責成該道飭屬嚴拏並飛咨黔撫臣通飭所屬一體嚴緝務獲究辦現獲之犯屬男婦及收降各犯迅督該廳逐一提案研訊分別定罪安插及善後一切事宜認真妥為經理外所有鳳凰廳屬痞苗聚眾滋事登時撲滅地方均已安靜現籌善後併通飭嚴捕餘匪緣由謹會同湖廣督臣李瀚章恭摺由驛馳陳伏乞

皇太后

皇上聖鑒訓示謹 奏

會奏確查董倒逆首石老華等均就殲除現仍嚴緝逆匪龍有發並經理善後整飭邊防各緣由片

光緒六年

湖廣總督李瀚章
湖南巡撫李明墀

再鳳凰廳屬苗匪滋事登時剿滅地方照常安靜各緣由業經臣於二月二十五日會同湖廣督臣由驛馳奏在案旋於三月十七日承准軍機大臣字寄光緒六年三月初五日奉

上諭岑毓英奏苗匪糾眾滋事現籌剿辦等語湖南鳳凰廳屬統道苗寨石老華等糾眾滋擾新寨苟若寨兩處距黔省松桃銅仁等屬地方相近亟應及早殲除即著李明墀岑毓英分飭各軍相機辦理務將為首之石老華石華工按名擒獲等因欽此又於三月二十三日

准兵部火票遞回原摺承准軍機大臣字寄光緒六年三月十一日奉

上諭李明墀岑毓英奏鳳凰廳屬苗匪滋事當即撲滅一摺本年二月間湖南鳳凰廳董倒坡苗匪石老華等勾結貴州梵淨山餘匪謀爲不軌焚掠滋擾經該地方文武督兵馳勦斃匪多名將董例賊巢燒燬匪黨殲除殆盡辦理尙爲迅速逆首石老華石老保是否業經殲斃抑尙在逃務須查明實在下落革弁龍有發係此案緊要頭目與石老添及其餘未獲各匪著李明墀岑毓英督飭所轄一體嚴拏按名弋獲並將善後各事宜認真妥爲經理檄飭防營嚴加防範毋稍疏虞等因欽此跪讀之下仰見我

皇太后

皇上綏靖封圻慎重邊防之至意欽悚曷勝臣查苗疆地方較內地關係尤重月餘以來迭經嚴飭該道廳愆後懲前一切認真整頓不得顛預了事稍涉懈弛茲據署辰永沅靖道但湘良先後稟稱督同署鳳凰廳同知江肇成再四確查證以生擒各匪供詞石老保於二月初六日隨攻盤坨身受鎗傷敗回董倒初九日官軍破寨與石老華同時陣斃提驗首級公同辨認實無錯誤現經懸示滋事地方以昭炯戒其石老添一犯亦經捕獲迭次提案與後擒到各匪隔別研訊石老添龍老香吳老新歐保龍老橐龍老滿龍老添龍隆金等供認隨攻盤坨新寨拒敵官軍龍老隆龍老進吳

老明石老九麻老管等供認分路糾人夥同謀逆均屬罪大惡極法無可貸業於訊明後立正典刑石老華之父石椰香據供狗腦山人年六十歲石老華往貴州當勇十餘年並不知其所爲二月初四日忽被吳老明將伊和家眷搶至董倒石老滿係其幼子現年十歲石滿妹係伊生女年十二歲許嫁本寨吳老貴爲妻現經確查並訊據該管苗備弁僉稱屬實應否與其婦石龍氏媳石老添之婦石龍氏邀免緣坐抑應嚴懲此外尙有二十二人訊皆實被裹脅及確係無辜已由江肇成傳其親知取保辦理惟田老發一名係盤坨人應卽解回松桃由該廳傳屬訊辦其龍老發一犯據龍老進供初九日官兵破寨時一路逃走伊因受傷跌落巖下

不及扯救未知存亡現仍派練訪查並移鄰近松桃各廳營一體協捕其被難民苗各寨及善後一切事宜遵卽會商鎮筵鎮唐瑞廷妥爲撫綏經理具稟請示前來臣查鳳永乾三廳苗民自嘉慶初戡定以來涵濡

累朝

厚澤非復昔時冥頑故前此黔苗滋事多年楚苗無一蠢動此次

石老華等以散勇無賴勾結梵淨山餘匪滋事各苗寨不爲煽惑安靜如常黨羽無多用能辦理迅速所有被難民苗各戶臣已屢飭該管文武妥爲撫卹經理以安其身而慰其心石老華之父石椰香律以罪坐家長之條本難寬宥姑念其年已老邁實不知情應請貸其一死發交鳳凰廳永遠監禁其子石老滿女石滿妹年

均幼穉應與其婦石龍氏媳石龍氏並免緣坐由該管苗備弁出
具切實保結領回嚴加管束毋許滋生事端至革弁龍有發係此
案緊要頭目據龍老進供稱未知存亡亟應確查下落臣已嚴飭
各屬並咨會貴州撫臣通飭一體兜捕毋任漏網稽誅其善後及
邊防事宜臣仍當隨時督飭認真經理嚴密防範以安邊圉而慰
宸厪惟念該逆起事之初連撲新寨盤坨兇燄頗張楚黔沿邊並爲震
動經該管文武督兵馳剿立予殲除未任滋蔓燎原不無微勞足
錄當此用人之際可否由臣擇尤酌保數人以昭激勸之處出自
聖主鴻慈所有遵

旨確查逆首石老華石老保石老添均就殲除現仍嚴緝逃匪龍有發

務獲並經理善後整飭邊防各緣由謹會同湖廣督臣李瀚章附
片復陳伏乞

聖鑒再據各廳營確查稟覆苟若寨實未被擾石華工亦無其人合併

陳明謹

奏

之足以禦敵而敵踞之即可抗官兵董倒賊巢與之接壤危磴崩
劣路繞石峽中巖洞錯落紛列最大爲銷水洞在深坑石壁怪石
森立幽僻深邃坑橫四十九丈深二十餘丈由山腳盤旋下至坑
底始見洞口口寬一丈五尺高與坑齊入則深不可測且有水阻
洞外山勢合沓樹木叢繞不惟洞可藏奸卽密翳深林中盤踞數
百人亦難覓其所向現經職道督飭將周圍密樹斬伐卽以其木
堆入洞口將洞填塞更以巨石壘砌封築堅固其餘各水洞著落
該管苗備弁逐一嚴行封閉永禁復開惟該處山深路險地瘠苗
悍向爲楚黔所棄歸鳳廳前營土守備管轄住地較遠勢難稽查
石老華姐夫龍老隆住此現已伏誅尙遺微產擬將來擇撥該營

土千總一員駐此卽以犯產給予耕種責令駐守此隘仍由該土
守備管轄俟與唐鎮妥籌善後再請酌示所有民苗社寨以及邊
境現俱一律安靜春霖應候秧針漸次出水堪以仰紓慈厘職
道於二十三日回城奉讀憲批以職道稟獲匪犯龍老隆等訊供
正法一案內有石老添與石老滿名字是否錯誤飭卽確查具覆
等因伏查此案前獲石老華之父石椰香並其弟石老滿等五名
業經稟報迨後陸續搜捕於十三日復獲石老添及先後續獲之
龍老進麻老管石老九龍老添龍老香等江丞因須卽往清查地
方辦理撫卹遂將該犯等解城候訊擬候訊明錄供彙報是以未
經續報各犯昨已督訊明晰分別議擬備錄供摺會同唐鎮分別

稟咨在案惟是職道一介幹材叨蒙 栽植冰兢時惕隕越恆虞
此案起首因恐致乾隆末年之衅遂即會商唐鎮兵以速出爲貴
幸獲仰賴 德威尅日殄滅乃各路稟報各據其詞致難符合有
煩 憲慮撫衷自問慙赧滋深已荷據情人 奏嗣後惟有遇事
畱心細加體貼以期仰副 指誨諄諄逾格生成之至意惟聞前
此賊撲盤坨黔疆之持戈相向者有難究詰其攻撲盤坨敗避未
回董倒者尚有逸匪而革弁龍有發未就弋獲實爲隱憂迭經懸
立重賞購線關移躡拏究無實在下落茲復督飭江丞並由道挑
幹練勇役分途嚴密訪拏務將該匪龍有發緝獲懲辦以慰 憲
臺除孽務盡永靖邊圉之念所有石老添石老滿實係兩人先後

俱經獲案業已訊供錄呈分別辦理並嚴拏龍有發務獲以除後
患所有職道親詣董倒查看情形督飭封洞緣由理合稟覆 大
人俯賜查核

湖南通志卷四 兵防 五

人... 湖南通志卷四 兵防 五

附錄 稟會議善後章程八條 光緒六年 辰沅 道 但湘良

敬稟者竊照董倒苗匪滋事業經官軍勦平獲犯擬辦迭經稟蒙
憲臺批示飭將善後事宜會同妥為料理等因 職道 與唐鎮軍
商籌苗疆地方界連黔省山徑叢雜為匪徒出沒之區刻下梵淨
山之餘黨未除而此案敗逃之匪尚有未獲即難保不復勾結乘
機竊發查拏固須嚴密防範仍應周詳未可狃於目前又安不為
未雨綢繆之計惟清查匪類莫良於保甲一法全在地方官實力
奉行始終罔懈前奉頒發章程轉飭各廳州縣認真妥辦已據陸
續稟覆此次苗匪滋事復經督飭廳縣將保甲事宜極力整頓其
有在外為匪逃回藏匿係民人責成團保戶族網送係苗寨雖與

湖南通志卷四 兵防 五 征服下

民村情形不同亦應由地方官慎選苗生協同苗備做照保甲章程責成寨長各清各寨仍須由官發給門牌以免滋擾遇有外來游匪卽責成苗生苗備弁查明送究由地方官訊明分別稟辦一面諄飭各屬文武照章會巡毋得虛應故事如此則內訌既清而外匪卽無從託足庶足以戢奸宄而靖閭閻前經職道籌款飭發鳳凰廳江丞委令清查戶口將被難民苗妥爲撫卹其不敷銀兩准其就近暫借倉穀另行籌補已據該丞查明口數分別極貧次貧按戶賑卹其受傷兵勇亦已給賞概由江丞造報大凡苗情易於浮動全在平時善爲撫輯俾各相安於無事或不致有意外之變而狡悍之氣亦可潛移默化矣然則正本清源廳員苗備均須

得人而理

職道

惟有勉竭駑駘整躬率屬庶不致擾累苗民可期

久安長治以仰副

大人綏靖邊陲子惠元元之至意合將會議

善後章程酌擬八條開具清摺稟齎

大人俯賜察核

示遵

一難民宜撫卹也此次苗匪石老華竄踞董倒焚搶新寨所有該處一帶民苗顛沛流離困苦不堪言狀且值春耕及時正宜盡力南畝以免荒蕪當經出示招徠一面由職道籌款發交鳳凰廳江丞查明被燒房屋若干分別瓦屋草屋酌給銀兩搭蓋棚寮以資棲止並清查各戶分別次貧極貧大口小口發穀賑濟以資養贍田畝飭令一律照常承耕毋許曠廢現在賑卹事竣民苗均已照常復業田畝亦均蒔秧民情安帖雨暘時若堪以上慰 憲廡所

有發過賑卹銀穀數目由江丞開列花名清冊另文呈齋至遇害難民及殺斃賊匪屍骸均經飭令殮埋毋任暴露一巖洞封塞宜嚴加巡守也查董倒卽黃瓜山旁附別寨爲乾隆六十年匪苗石三保起事老巢該山跨連永鳳與貴州之松桃緊接在臘耳山南重巖峭壁路極陡險巖洞錯落分列最大爲銷水洞怪石森立幽深僻邃不惟洞可藏奸卽密翳深林中盤踞數百人亦難覓其所向現經職道兩次履勘督飭將周圍密樹砍伐卽以其木堆入洞口將洞封築更以巨石壘砌永禁復開惟山深路險地瘠苗悍向歸鳳凰廳前營苗守備管轄住地較遠該管千總龍興禮外委龍林保向住大坪相隔亦有十餘里勢難稽查應請

將該營苗千總龍興禮苗外委龍林保苗兵十五名移守該處卽將龍老隆叛產給令耕種俾薪資稍厚得安心住守此隘仍由該苗備管轄以專責成該千總等本屬該管苗弁責令住守並未更改營制合併聲明

一保甲宜認真舉行也查道光二十八年呂前道辦理善後事宜有編查保甲一條奉前撫憲因須發給門牌恐滋擾累未蒙准行第該苗迄今數十年生齒日繁在外當勇不分民苗未必盡皆馴善所有各苗寨雖與民村情形不同仍須以保甲之法清查匪類除民人保甲業已責成地方官督飭團保認真舉行外擬請嗣後沿邊各苗寨保甲應由地方官慎選苗生協同苗備責成寨長

做照保甲章程各清各寨惟不必由官發給門牌免滋擾累務隨時稽查如有匪犯潛回及外來游勇奸民混入苗寨希圖勾結卽責令苗生苗備弁查出拏送廳縣究治倘知情徇隱一經發覺卽予革究

一苗備弁宜按月會巡不可虛應故事也查陸前道原議會巡章程尙爲周備文武會巡每月三次武弁酌帶兵丁文官佐雜酌帶弓兵於邊界處所周歷巡哨並飭該管將備各率弁兵按月輪流統巡一次等因稟奉批准遵行在案雖據各該文武按月呈報分巡統巡各日期難保不日久懈生虛應故事除嚴飭遵照外所有沿邊苗寨宜責成苗備弁按照章程勤加梭巡毋許怠惰一年期

內視地方安靜與否分別記功記過以示勸懲如該備弁意存邀功妄行滋事查實革究

一苗弁宜嚴禁混充也查各里苗弁向章必擇本里之人平素爲苗民所矜式者方准承充責令常在本處稽查約束原爲鄉田同井出入相見孰良孰莠無不周知遇有苗民不法情事卽可隨時送官究治且爲苗民素所敬服約束較易事至便法至善也近年以來間以他里之人營充地方人面多未熟悉何能辨別良莠旣與舊章不符鈐束更難得力擬請嗣後務令廳縣慎重選舉毋許他里之人混充倘有行賄情弊一經查出除將該備弁革究外並將該廳縣詳請撤參該備弁務須常川在汛不准擅離職守如有

因公來城宜速還汛地毋許逗遛致啟包攬詞訟之漸如違查出究處

一書院義館宜實心牖迪以廣化育也查鳳凰乾州永綏三廳瀘溪麻陽保靖三縣均經設立書院及屯苗義學令各廳縣屯苗子弟一體讀書原所以廣化育全賴館師認真訓課不徒事章句必須於綱常倫紀忠孝大節隨時牖迪該苗向化已久教其漸更蠻俗通曉漢語各書院掌教向係由道延請品學兼優之人主講而屯苗義館則歸各廳縣慎選師儒考取報道均係各廳縣廩貢生員分館教讀職道抵任後各書院每逢考課齋到文卷均經職道細心校閱詳加批評分別等次優予獎賞數月以來各生童應課

尙覺踴躍漸有進境成效當可觀矣惟查苗生多不肄業書院見聞未免較陋而義學館師每多曠誤其盡心牖迪者甚寡應責成各義學館師實心訓迪仍由各廳縣隨時就近查察如有訓課不勤荒廢子弟卽行更換期收實效

一黔楚交界宜遇事商辦以靖邊疆也查鳳凰永綏兩廳與貴州銅仁松桃等府廳壤地毗連兩省苗人不無交涉事件此次董倒苗匪滋事雖經剿平其敗逃之匪尙多伏匿此拏則彼竄自應互相查拏以免漏網應請咨明貴州撫憲轉飭銅仁松桃等府廳遇有兩省交界處所苗匪游勇勾結之事彼此移會不分畛域會同辦理務須和衷商辦以期共濟而靖邊疆

一地利宜盡也苗疆治安日久生齒益繁該處田少山多地皆磽瘠民苗水耕火耨終歲勤動所獲無多在豐稔之年所獲穀石除完納額租外僅敷口食本難餘蓄一遇歲歉卽形匱乏職道上年抵任後唐鎮軍卽與商籌荒山甚多若任其荒廢深爲可惜當會同捐廉購買茶子散給各營屯民苗飭令廣爲栽種現已長發特恐荒山尙多並飭查明示諭一律開闢再由職道多購茶子給與栽種不過數年後可收其利苗疆亦多樹桑養蠶吐絲甚粗卽貴綢也職道擬卽專人赴下游收買桑秧蠶種諭令倣照種養成法當較貴綢爲佳此地男婦尙多耐勞眞所謂瘠土之民也若令茶葉蠶桑開其利源則小民俯仰有資卽偶逢歲歉宜不無小補矣

